

GrønlandsBANKEN-ip inuit pisinnaatitaaffiik malinninnissamut politikkaa.

GrønlandsBANKEN 2013-imi UN Global Compactimut ilaasortanngorpoq. Ilaasortaanerup tamatuma aningaaserivik pisussaaffilerpaa UNGC-p pingaarnertut tunngaviinik 10-nik sulissuteqarnissamut, matuma ataani tunngavik 1 aamma 2 inuit pisinnaatitaaffiitut tunngasut.

”GrønlandsBANKEN-ip nunani tamalaani inuit pisinnaatitaaffii nalunaarutigineqartut tapersorsorlugillu illersugaanerata ataqqivaa, inuillu pisinnaatitaaffiik unioqqutitseqataannnginnissaq qulakkeerniarlugu suliniarluni.”

Aningaaseriviup anguniagaraa inuit pisinnaatitaaffiisa malinneqarnissaat, aningaaseriviup avataani kiisalu aningaaseriviup iluani.

Nunani tamalaani inuit pisinnaatitaaffii nalunaarutigineqarnikut tapersorsorlugillu illergusaanerannik ataqqinninnermi, aningaaseriviup tunngaviit tulluuttut ilisimaneqarnerisa kiisalu paasineqarnerisa siammarnissaa sulissutigissavaa:

- **Immikkoortitaannnginnissamut pisinnaatitaaffik**
- **Inuunissamut kiisalu inuttut isumannaatsuunissamut pisinnaatitaaffik**
- **Inussiaateqarnissamut aamma naalliutsitsinissamut nakkarsaasumillu pinninnissamut inerteqquteqarneq**
- **Eqqissisimaarnissamut sunngiffeqarnissamullu pisinnaatitaaffik**
- **Ilinniagaqarnissamut pisinnaatitaaffik**
- **Naammaginartumik inuuniuteqarnissamut pisinnaatitaaffik**

Tunngaviit arlallit sulissutigaaqut, tunngaviillu arlallit toqqaannnginnerusumik tapersorsorpagut. Aningaaserivimmi sulisussarsiortarnermi tapersorsorneqarpoq immikkoortitaannnginnissamut pisinnaatitaaffik, tamanna sulisunik piginnaasaat ilinniagaallu kisiisa aallaavigalugit atorfinitsitsisarnikkut anguniarneqarpoq. Taamaasilluni aningaaserivik suaassutsimut, ukiunut, inuiaassutsimut, ilaqtariinnermut il.il. atatillugu immikkoortitsineq ajorpoq. Tamanna aningaaseriviup avataanit illullu iluani sulilersitsinnermut atuuppoq.

GDPR-imik peqqussummik malinninnikkut, aningaaseriviup sullitat inuttut paasissutissaanik illersuinnermut nunani tamalaani malittarisassat malippai. Tamatuma saniatigut aningaaseriviup eqqumaffigaa, sullitanik nakkutilliineq ima annertutigisumik pissanngitsoq, nammineq inuuneqarnerup eqqissisimanarneranut akornusersuilluni.

GrønlandsBANKEN suliffeqarfittut akisussaasutut eqqumaffigaa, nioqqutissanik pilersuisut tunngavinnik malinninnerat. Matuma ataani aningaaseriviup ukkataraa, akissarsiatigut sulinermilu atukkat ajunngitsuunissaat. Aningaaseriviup nioqqutissanik pilersuisui pingaarnertut Kalaallit Nunaanniillutillu Danmarkimiimmata nalilerneqarpoq tamanna malinneqartoq, taakku inatsisinik atuuttunik malinnimmata.

Feeriarnissamut qasuersaarnissamullu pisinnaatitaaffik Finansforbundet aamma Sulisitsisut akornanni isumaqatigiisummi atuuttumi erseqqissarneqarpoq. Tamatuma ilaatigut qulakkeerpaa, sulisut ataasiakkaat inatsit malillugu feerianik katersisarnerat. Tamatuma saniatigut atorfeqarneq pillugu inatsit malinneqarpoq, ilaatigut tassani allassimavoq ullup suliffiup naanerani aallarteqqinnissaanut minnerpaamik 11 tiimit qasuersaartoqassasoq.

GrønlandsBANKEN-ip anguniagaraa sulisunut ataasiakkaanut ilinniaqqinnissamut kiisalu pikkorissarnissamut neqerooruteqarnissaq, aningaaseriviup tulluurtutut isigippagu. Tamatuma saniatigut aningaaserivik inuiaqatigiinni akisussaaffimmik tiguisarpoq aningaasaqarnermik paasisimanninneq pillugu atuarfinni atuartsisarnikkut, taamaasillutik meeqqat atuartut namminneq aningaasaqarnerminnik aqutsineq pillugu ilisimasaqalissammata.

Aningaaserivimmi atorfillit Finansforbundet aamma GE (Sulisitsisut) akornanni isumaqatigiissutip ataani atorfinitsinneqarnikuupput, tamatuma ilaatigut qulakkeerpaa inuuniuutit pitsaasut, Kalaallit Nunaanni naammaginartutut isigineqartut. Tamatuma saniatigut aningaaseriviup aamma eqqumaffigaa, suleqatigisartakkat/nioqqutissanik pilersuisut aamma sulisutik Kalaallit Nunaanni pissutsinut naapertuuttunik naammaginartumik aningaasaqarnikkut atugaqarnerat qulakkeertaraat.

Paasineqarpalli, inuit pisinnaatitaaffiik eqqortitsinngitsoqartoq, aningaaseriviup sapinngisamik annertunerpaamik tamanna allanngortinniassavaa. Tamatumunnga ilaapput iliuutsit sulisunit, aningaasaliisunit, sullitanit kiisalu nioqqutissanik pilersuisunit kiisalu suleqatigisartakkanit allanit iliuuserineqartut.

Kalaallit Nunaanni inatsisit atuuttut eqqortinnerisigut, GrønlandsBANKEN-ip nunani tamalaani inuit pisinnaatitaaffii nalunaarutigineqarsimasut amerlanerpaartai malippai, soorlu sulinermi isumannaatsuuneq aamma piffissaq suliffiusoq, ernereermermi sulinngiffeqarsinnaanermut pisinnaatitaaffik, peqatigiiffeqarsinnaaneq il.il. GrønlandsBANKEN-imi sulisut tamarmik immikkut peqqissutsimut sillimmammik peqarput, peqqissaanermik sullissinerup pitsaanerpaap qulakkeernissaa pillugu.

GrønlandsBANKEN-ip takorluugaraa, Kalaallit Nunaanni suliffeqarfinni pitsaanerpaajunissaq, Kalaallillu Nunaannut iluaqutaanissaq. Tamanna soorunami inuit pisinnaatitaaffiik imaqarpoq, taakkulu sulisutsinnut, sullitatsinnut, aningaasaliisutsinnut kiisalu pilersuisutsinnut allanullu suleqatitsinnut malinnissaat ukkataraagut.

GrønlandsBANKEN-imi sulisut tamarmik politikki una ilisimaarissavaat.

Aningaaseriviup inuit pisinnaatitaaffiik malinninneranik ukiumoortumik nalunaarusiortoqartassaaq. Tamanna aningaaseriviup Compliance pillugu immikkoortuanit suliarineqartassaaq.

Aningaaseriviup inuit pisinnaatitaaffii pillugit politikianut kiisalu tamatuminnga atuutilersitsinermut akisussaaffik Aqutsisoqarfimmi pisortamiippoq.

Iluarsineqarpoq:	Imm. akisussaasoq:	Siulia:
26-11-2021	Aqutsisoqarfimmi pisortaq	18-11-2019